

Әл-Фараби атындағы ҚазҰУ оқу-әдістемелік кешені

Мамандығы: Құқықтану

Шифр: 050301

Пән: Криминалистикадан практикум

СӨЖ: семестрде 5 тапсырма

Жеке тапсырмалар:

СӨЖ дайындалу үшін материалдарды зерделеу кестесі

№	Тақырыптардың атауы және СӨЖ тапсырмаларының мазмұны	тапсыру мерзімі	бақылау нысаны және баллдар
1	<p>Қылмыстық іс қозғау Кіріспе Алматы қаласы Бостандық ауданының ІІ органының кезекші бөліміне Тимирязев көшесі, 26 үй, 411 пәтерде белгісіз тұлғаның мәйіті табылғандығы туралы ақпарат түсті. Мәйіт «Базис» құрылыс компаниясының жұмысшысы болып істейтін Ибраев Ескендірдің пәтерінен табылған. Ибраев түңгі ауысымнан үйіне қайтып, бейтаныс адамның мәйітін тапқан. Жәбірленуші кім, оны кім өлтірген, мәйіттің қалай оның пәтерінде жатқанын Ибраев түсіндіре алмады.</p> <p>Тапсырма. Қандай әрекеттер жүргізіледі. Қылмыс қозғаудың негіздері. Бастапқы тергеу әрекеті. Болжаулар. Оқиға болған жерді қарау. Топ мүшелері. Техника-криминалистикалық құрал-жабдықтар. Сұрау жүргізу: Ибраев, көршілері-Рахимова Зайда Хасановна (1-қабат тұрғыны) .</p>	4 апта	жазбаша 5 балл
2	<p>Оқиға болған жерді қарау тергеу әрекеті 1-кезең. Оқиға болған жерді қарау тергеу әрекетін жүргізу. Қарау әрекетіне дайындық, оқиға болған жердің жоспары, оның нәтижелерін бекіту: хаттама. Қарау нәтижесінде: асфиксия іздері бар мәйіт табылды. Мәйіттің мойынында ақ түсті қалың жіп, қалтасынан «2461811» жазулары бар қағаз, сыртқы қабатында қол саусақ іздері бар бос шөлмектер және т.б.</p>	6 апта	жазбаша 4 балл

Ибраев пен Рахимовадан сұрау жүргізу. Ибраевтан сұрау келесі мәселе бойынша жүргізіледі: Ибраевтің жұмыс орны, жан-ұясы жағдайы, пәтерінде табылған мәйітті таниды ма, ол қайдан пайда болды, кімді қылмыскер деп күдіктенеді және т.б. Рахимовадан сұрау: Ибраев туралы сипаттама мәліметтерін алу, Ибраевтің үйінде мәйіттің табылуына қатысты не айта алады.

Ескендір Ибраевтің түсініктемесі: таңғы сағат 8.00-де түңгі кезекшілік жұмысынан шығып, жолда дүкенге соқтым. Дүкеннен шығып, үйіме келсем, есіктің ашық тұрғанын көрдім. Үйге кіріп, бөлменің дәл ортасында жеке басы анықталмаған мәйіт көрдім, мәйіттің мойнында ақ түсті жіпті байқадым. Тез арада полиция қызметкерлеріне хабарладым. Менімен бірге үйде апамның баласы Мұқаш тұрады. Тараз қаласынан келгегіне 2 аптадай болып қалды. Мұқаш туған апамның баласы, тығыз араласпаймыз. Тараз қаласында Садовая көшесі 8 үйде тұрады. Мұқаш үш жыл бұрын төбелесіп кісі өлімі үшін сотталған шымкент қаласында бас бостандығынан айыру орынында отырып келген. Үйіндегілер қабылдамаған соң, маған келіп көмек сұрап еді.

Мен «Базис» корпорациясында жұмысшы бригадир болып жұмыс істеп жүрмін. Таңертең жұмыстан келіп бос ішілген шөлмектерді жиі көріп тұрамын. Мұқашқа талай ескерту жасадым. Мұқаш осы Алматыдағы достары келіп, аздап ішкендерін айтып, кешірім сұрап, енді қайталанбайды деп уәде беретін. Мұқашқа жұмыс әлі табыла қоймады. Мен тауып берген жұмыстардың ақысы аз деп шықпады. Мұқашты соңғы рет кеше жұмыс алдында көрдім, қазір қайда екенін білмеймін. Сонымен қатар, үйімнен 400000 мың көлемінде ақша қаражаты ұрланған.

Зайда Хасановна Рахимованың түсініктемесі: Мен Ибраев пәтерінің астыңғы қабатында тұрамын. Ибраев менің білуім бойынша ашық мінезді, кәңбекқор, адал адам.

	<p>Осыдан үш жыл бұрын зайыбы қайтыс болған, одан кейін үйленген жоқ. Үйінде інісі тұрады. Ол менінше жұмыс істемейді. Тараз қаласынан шамамен 10-12 күн бұрын келді. Аты Мұқаш. Ескендір жұмысқа кетісімен Мұқаш достарын шақырып алып арақ ішімдіктерін ішеді. Түні бойы тыныштығымызды алады. Бір күні көтеріліп шуламауларын сұрадым. Мұқаш қасындағы досымен сыпайы сөйлесіп кешірім сұрап тез арадатынышталды. Қасындағы досы жасы 20-25 шамасында цыганға ұқсайды. Бүгін таңертең Ибраевтің үйінен Мұқаш пен цыганға ұқсайтын жігіт екеуінің жүгіріп баспалдақпен түсіп бара жатқанын көрдім. Екеуі де кобалжып тұрғандай болды.</p> <p>Тапсырма: Оқиға болған жерді қарау хаттамасын талқылау. Қылмыстық іс қозғау туралы шешім қабылдап, қаулы шығару.</p>		
<p>3</p>	<p>Жедел-іздігіру әрекеттері</p> <p>2-кезең. Студенттер тергеу жоспарын жазбаша түрде құрастырады. Жоспарда жылжытылатын болжаулар, жүргізілетін тергеу және жедел-іздігіру әрекеттері, оның орындаушысы, мерзімі көрсетіледі. Болжаулар: 1. Кісі өлтіру қылмысын Атанов Мұқаш (цыганға ұқсайтын танысымен бірігіп) жасаған; 2. Жеке басы анықталмаған тұлғаны Ибраев Ескендір өлтірді; 3. Белгісіз тұлғалар адам өлтіріп, Ибраевтің үйінен ақша ұрлаған.</p> <p>Тергеу барысында келесі мәселелер анықталуы қажет: 1. оқиға болған жерді қарау кезінде табылған қағаз бетіндегі телефон нөмері кімнің атында, қылмысқа қатысы бар мәліметтерді телефон пайдаланушыларынан сұрастырып анықтау; 2. Жәбірленушіні дактилоскопиялық тіркеу арқылы тексеру; 3. Атанов Мұқашқа қатысты мәліметтер жинау: тіркеу арқылы соттылығын тексеру; 4. Цыганға ұқсас тұлғанын тіркеу арқылы, фоторобот жасап іздігіру; 5. Ибраев Ескендірді тіркеу арқылы тексеру, сипаттама ақпарат жинау, жұмыс орнынан мінездеме алу; 6. Қылмыскерлерді ұстау жөнінде жедел-іздігіру қызметін жүргізу.</p>	<p>-</p>	<p>-</p>

	<p>Сот-медициналық сараптама тағайындау туралы қаулы.</p> <p>Тапсырма: Ибраевтан, Рахимовадан жауап алу хаттамасын талқылау. Тергеу жоспарын және сот-медициналық сараптама тағайындау туралы қаулыны тексеру.</p>		
4	<p>Сараптама тағайындау</p> <p>3-кезең. 1. Тергеу барысында 2461811 телефоны «Меркур инжиниринг» корпорациясының кадр бөлімінің бастығы Есенгельдин Абиш Карабаевичтің телефоны болып шықты; 2. Атанов Мұқаш туралы келіп түскен мәліметтер: 1983 жылы туылған, тұрғылықты жері – Тараз қаласы, Садовая 8, кісі өлімі үшін 3 жыл 6 айға бас бостандығынан айырылған, жазасын Шымкент қаласында өтеген; 3. Қылмысқа сезікті өзге тұлғалар табылған жоқ; 4. Атановтың әкешесі Тараз қаласында тұрады, Мұқашты Алматыға кеткелі көрген жоқ; 5. Ибраевты тек қана жағымды жағынан сипатады; 6. Сот-медициналық сараптаманың қорытындысы бойынша: жеке басы анықталынбаған мәйіттің өлімі асфиксия нәтижесінде пайда болды. Мәйіттің денесінде – қабырғасында және сол жақ кеудесінде қанталаған іздер бар.</p> <p>Тапсырма: Есенгельдиннен жауап алуға дайындық (1976 жылғы, Семей қаласынан, білімі жоғары, соттылығы жоқ). Есенгельдиннің қызмет міндеттері қандай, қандай сұрақтар бойынша адамдар жолығады, қанша адам келіп-кетеді, ол жұмыс бабымен келетін тұлғаларды есіне сақтайды ма және т.б. Есенгельдиннің жауабы: жұмыс бабымен әртүрлі адамдар жолығады. Көбісі жұмысқа орналасу мәселесімен. Бірі жұмысқа кіріп, бірі шығып жатады. Мәйітті көрсетсеңіздер мен тануым қажет. Көзінде ақ таңбасы бар ер адам келіп, резюмесін тастап кеткен. Бірақ телефонымды біреудің жазып алып жатқанын көрген жоқпын.</p> <p>Есенгельдинге жеке басы анықталынбаған мәйітті тану үшін көрсету. Есенгельдин мәйітті танып, сыртқы белгілерін сипаттап береді.</p>	9 апта	жазбаша 3 балл

	<p>Жұмысында ақпараттар базасында резюмелердің жинағы бар, соның ішінде осы тұлғаның аты-жөні, тұрғылықты жері және өзге мәліметтері бар резюмесі алынады. Мәйіт – Орынбасаров Әділбек, 1980 жылғы, мекен-жайы – Алматы қаласы, Суворовская, 61, мамандығы – слесарь, криминалистикалық тіркеу бойынша кісі өлтіру ҚР ҚІЖК-нің 96-бабы бойынша 5 жылға сотталғаны анықталды.</p>		
5	<p>Жауап алу тергеу әрекеті 4-кезең. Тергеу жоспарын келесі әрекеттермен толықтыру: 1. Орынбасаров Әділбектің жеке басы туралы мәліметтер жинау, сұрау жіберу. 2. Суворовская көшесіндегі 61 үй кімнің атында, кім тұратынын анықтау. 3. Оқиға болған жерді қарау кезінде табылған іздерді Ибраев пен Орынбасаровтың қол саусақтарының іздерімен идентификациялау мақсатымен дактилоскопиялық сараптамаға жіберу. Тапсырма: Дактилоскопиялық сараптама тағайындау туралы қаулыны толтыру, оны талқылау. Суворовская көшесіндегі 61 үйде Досова Рабиға тұратыны анықталды. Досова үйін Орынбасаровқа жалға берген. Досова Рабиғадан жауап алуға дайындық. Жеке басын анықтау, оны жауап алуға шақыруды ұйымдастыру. Көршілерінен жедел-іздістіру қызметкерлері сипаттама ақпарат жинастырды. Досова Рабиға еңбекқор, жұмыста беделді қызметкер екені анықталды.</p>	-	-
6	<p>Беттестіру 5-кезең. Досова Рабиға Ахметовнадан жауап алу. Жауап алу кезінде Досованың өмір сүру жағдайын, жұмыс орнын, үйін жалға кімге беретінін, Орынбасаровты таниды ма, үйінде тұрды ма, қалай танысқан, кім арқылы келген, қашаннан бері тұрады, Орынбасаров туралы қандай мәлімет біледі, кім келген, кіммен араласады, соңғы рет қашан көрді және т.б. сұрақтар қойылады. Досованың жауабы: Мен «Әдем» сауда үйінде әйелдер киімін сататын butikте жұмыс істеймін. Өзім қазір тұрып</p>	12	жазбаша 5 балл

жүрген Суворовская көшесіндегі үй бұрын әкешешемнің атында болған еді, олар қайтыс болғаннан кейін ол үй маған қалды. Күйеуіммен ажырасқаннан кейін ол басқа әйелге үйленіп, Өскеменге көшіп кетті. Мен осы үйде екі жыл жалғыз тұрамын. Сондықтан үйімнің 1 бөлмесін жалға беремін. Орынбасаров Әлібайды Атанов Мұқаш алып келді. Атанов Мұқашпен екеуіміз Тараз қаласында танысқанбыз. Менің апам Мұқаштың көршісі болатын. 10 күн бұрын Атанов Мұқашты Алматы қаласында кездестіріп қалдым. Мұқаш ағасының үйінде тұрып жатырмын, жұмыс істеп жүрмін деді. Қай жерде жұмыс істеп жүргенін айтпады. Мен адресімді беріп, келіп тұр деп үйге шақырдым. 2 күннен кейін Мұқаш Әлібайда ертіп келді. Әлібайды менің жақсы досым, жұмыс істейтінін айтып, үйімнің бір бөлмесін жалға беруін өтінді. Бөлмем бос тұрғаннан кейін мен келісе кеттім. Орынбасаров бір ғана чемоданмен келіп орналасты. 2 айға алдын ала төлеп қойды. Әлібай ақша төлегенде кисетіне мән бердім, ішінде теңгеліктен көп ақша болды. Ол өзін сыпайы және момын адам қылып көрсетті. Бірақ 4 күн бұрын Әлібай мен Мұқаштың сөйлесіп отырған әңгімелерін естіп қалдым. Екеуі үйде ешкім жоқ деп ойлаған болар дауыстары қатты шығып жатты. Екеуінің бір түрмеде отырғанын түсіндім және Мұқаш дүкен тонауды ұсынып оған Әлібайдың келіспейтінін естіп қалдым. Әлібай Мұқашқа бұл ойыңнан бас тарт, әйтпесе полицияға айтамын деп жөнге салғысы келді. Ал Атанов болса, бізбен бірге тонайсың не өлтіремін деп қорқытты. Осының бәрін естіген соң мен ертесіне Әлібайға ақшасын қайтарып беріп, сіңлім Астанадан келетін болды, бөлмені босатасыз ба деп сұпадым. Әлібай басқа жерден пәтер іздейін деп кеткелі әлі келген жоқ. Чемоданы бөлмесінде тұр. Кеше кешке Атановты көшеде кездестіріп қалдым. Сөйлеген сөзі мен мінез-құлқы ерекше болып тұрды. Темекісін шығара бергенде қалтасынан

	<p>Әлібайдың кисетін көріп қалдым. Мынау Орынбасаровтың кисеті деген сөзіме, Мұқаш кеше картадан ұтылып қалды маған деп мұрнының астынан бір нәрселерді айтып, кете жөнелді.</p> <p>Тергеуші Досоваға Орынбасаровтың мәйіті табылғанын хабарлап оны тани ала ма деп сұрады. Досова Орынбасаровтың ерекше белгілерін атап, тануға қатыса алатынын айтты.</p> <p>Тапсырма: Досовадан жауап алу хаттамасын толтыру мен оны талқылау. Досованың үйіне қарау тергеу әрекетін жүргізу және хаттамасын құрастыру. Қарау барысында: чемодан мен ішіндегі киімдерден өзге заттар табылған жоқ. Орынбасаровты Досоваға тану үшін көрсету, нәтижесін хаттама түрінде толтыру мен талқылау. Досова Орынбасаровты бойы, шашының түсі, көзіндегі ақ таңбасы белгілері бойынша таныды.</p>		
7	<p>Тінту және алу тергеу әрекеттері</p> <p>6-кезең. Дактилоскопиялық сараптама бойынша қол саусақтарының іздері Орынбасаров Әлібайдың және өзге тұлғалардың іздері екендігі анықталды. Оның ішінде Ибраевтың іздері табылмады.</p> <p>Тапсырма: Атанов Мұқашты іздестіру әрекеттерін жүргізу туралы қаулы шығару. Сыртқы бейнесі бойынша іздестіру хабарламасын дайындау</p>		
8	<p>Тергеу эксперименті</p> <p>7-кезең. Сезікті Атановты ұстау. Ұстау кезінде қалтасынан 100000 мың теңге, «ОА» әріптері бар тоқылған кисет табылды. Сезікті ретінде Атановтан жауап алу: жауап алуға дайындық:</p> <p>1. Орынбасаров мәйітінің табылғанын хабарлау және оның осы қылмыс пен Ибраевтан ұрлық қылмысы бойынша сезікті ретінде ұсталып жауап алынатынын айту. 2. Атановтың өмір-сүру жағдайы, оқуы, жан-ұя жағдайы, араласатын адамдар шеңбері, соттылығы, қай жерде мерзімін өтегені, кейін немен айналасқанын анықтау. 3. Алматыға не себеп келгені. 4. Жұмысқа неге орналаспаған,</p>	-	-

қандай қаражатқа өмір сүріп, алкогольді ішімдіктерді ішіп, таныстарымен қыдыруға ақшаны қайдан алған. 5. Алматыда қандай таныстары бар, кездестірді ме. 6. Сіздің Тараз қаласынан танысыңыз Досованы көргеніңізді неге айтпайсыз. 7. Досова Әлібаймен мені таныстырып үйіңе алшы деп сұраған Мұқаш деп көрсетпе берді. 8. Орынбасаров екеуіңіздің қарым-қатынастарыңыз қандай еді. 9. Қандай дүкенді тонауды жоспарладыңыз және кімнің қатысуымен. 10. Рахимованың көрсетпесі бойынша сіз ағаңыз жұмысқа кеткенде достаныстарыңызды шақырып, көршілеріңіздің тынышын алады екенсіз. Рахимова цыган жігітіне ұқсайтын тұлғаны қасыңыздан Орынбасаровтың мәйіті табылған күні таңертең көрген. Ол кім, осы жайында не айта аласыз. 11. Орынбасаров сіздің ағаңыздың үйінде қайдан пайда болды, оны кім өлтірді. 12. Егер сіз қылмысқа қатысты болмасаңыз неге асығып, ешкімге ешнәрсе айтпастан ағаңыздың үйінен кетіп қаласыз. Осы күнге дейін қандай қаражатқа өмір сүрдіңіз. 13. Орынбасаровтың кисеті сіздің қолыңызда қайдан пайда болды. Ішіндегі ақшасы қайда. Ұстау барысында табылған ақшаның шығу көзін айтып берсеңіз. Атановтың көрсетпесі: Тараз қаласында туып, өскенмін. Осыдан 4 жыл бұрын Тараз қаласында төбелес кезінде бір жігіт ауыр жарақаттан қайтыс болады. Сол төбелеске сен қатысып, кісі өлтірдің деген айыппен сотталып Шымкент қаласында жазамды өтеп шықтым. Алматыға ағама арқа сүйеп келдім. Ол жұмыс тауып берем деп уәде беріп еді, орындай алмады, әлде тауып бергісі келмеді. Қалада басқа ешкімді танымаймын. Өз бетімнен жұмыс таба алмадым. Орынбасаровты шынымен танимын. Екеуіміз түрмеде бір уақытта отырдық. Алматыда кездесіп қалып едім, тұратын жерім жоқ, сенің пәтерді жалға беретін таныстарын жоқ па деп сұрады. Оны Досовамен таныстырған да менмін. Досованың үйінде бір-ақ рет болдым., Орынбасаровты таныстырып апарған жолы.

	<p>Дүкенді ұрлау туралы әңгіме болған жоқ. Ескендір ағамның үйінде ішімдік ішіп шулаған емеспін. Орынбасаровтың мәйіті табылған күні мен жалғыз өзім ерте үйден шығып кеткем, көршілердің ешқайсысын көрген де жоқпын, танымаймын да. Орынбасаровтың Ескендір ағамның үйінде қалай, қашан пайда болғанын білмеймін, мүмкін мен кеткеннен кейін келген шығар, сол кезде біреу өлтірген болар, ол жағын білмеймін. Орынбасаровты екінші рет Тараз қаласына кетер алдында кездестірдім. Екеуіміз карта ойнап, Әлібайдың кисетін картадан ұтып алдым. Ақшасы болмай ойынға кисетті қойып, ұтылып қалды. Ағамнан ақша ұрлағаным рас. Күн көріс қаражатым болмаған соң амалсыз осындай әрекет жасауға тура келді. Ешкімді өлтірген жоқпын.</p> <p>Тапсырма: Сезікті Атановтан жауап алу хаттамасын құрастыру. Бұлтартпау шарасын қолдану туралы қаулы шығару.</p>		
9	<p>Көрсетпені оқиға болған жерде тексеру мен нақтылау</p> <p>8-кезең. Атанов пен көрші-куә Рахимованың арасында беттестіру жүргізу. Беттестіруге дайындық және жұмыс барысы. Атанов Рахимованың көрсетпелеріне қарсы шығып, алдында берген көрсетпелерін өзгертпейді.</p> <p>Тапсырма: беттестіру хаттамасын құрастыру және оны талқылау</p>	-	-
10	<p>Тергеу эксперименті</p> <p>9-кезең. Досованың есту мүмкінділігін анықтау мақсатымен тергеу экспериментін жүргізу. Атанов пен Досованың арасында беттестіру жүргізу. Атанов Досованың үйінде бір рет ғана болдым, екінші рет көшеде кездестіргенмін. Кисетті сол уақытта көріп қалды деп өз позициясын өзгертпеді.</p> <p>Тапсырма: тергеу экспериментінің хаттамасын толтыру және талқылау. Беттестіру хаттамасын толтыру және талқылау.</p>	-	-
11	<p>Тінту және алу тергеу әрекеттері</p> <p>10-кезең. Досоға Атановты ұстау кезінде табылған Орынбасаровтың кисетін тану үшін</p>	10 Апта	жазбаша 5 балл

көрсетуді жүргізу. Досова Орынбасаровтың кisetін бірден таниды. Оның размері, сарғыш түсі және «ОА» әріптері арқылы белгілерін сипаттап береді. Осы уақытта жедел-ізвестірушілер «Цыган» беттес тұлғаны ұстап оның аса қауыпты рецидивист Бектаев Идрис Шакирович екені анықталды. Ұрлық және тонау істері бойынша үш рет сотталған. Ұсталған Бектаевтың қол саусақтарын дактилоскопияға түсіріп, Ибраевтың үйіндегі шөлмек-бөтелкелердің сыртқы бетіндегі іздермен идентификациялау жүргізіліп, Бектаевтың іздері екені анықталды.

Тапсырма: Заттарды тану үшін көрсету хаттамасын құрастыру. Бектаевтың ұсталу фактісіне қарай тергеу жоспарын толықтыру: Бектаевқа сезікті ретінде бұлтартпау шарасын қолдану. Бектаевтан жауап алудың жоспарын ойластыру: 1. Биографиясы жөнінде сұрау; 2. Атанов Мұқашты қайдан таниды, қарым-қатынастары қандай; 3. Танымаймын деген жауабына дактилоскопиялық сараптаманың қорытындысын көрсету; Бектаевтың жауабы: Қаскелен қаласында туып-өскенмін. 6-кластан кейін үйден кетіп қалып ұрлықпен айналыса бастадым. Ұрлық үшін 1 жылға сотталдым, одан шыға сала инкассаторға шабуыл жасан үшін тағы 3 жылға сотталдым. Босап шығып тонау қылмысымен тағы да сотталдым. Лақап атым «ЮГ». Атановты танымаймын. (Дактилоскопиялық сараптама көрсеткеннен кейін) Есіме енді түсті Мұқашпен кинотеатр алдында таныстық. Түрмеде отырғанымызды біле сала, екеуіміз тез арада араласып кеттік. Мұқаш мені кешке қарай үйіне қонаққа шақырды. Үйінде өзге ешкім болған жоқ. Отырып арақ-шараптарымызды асықпай іштік. Екеуіміз кездесіп тұратынбыз. (Үшінші – Орынбасаров туралы сұрап, сараптама қорытындысын көрсету нәтижесінде) Бізбен бірге тағы бір кісі болды. Оны Мұқаш «Батя» деп атады. Мен кешке біраз отырып үйіме қайтып кеттім. (Рахимованың көрсетпесімен таныстырады.) Шынымды айтсам, мен

	таңертең ерте шықтым. Мұқаш мені көшеге дейін шығарып салды. Орынбасаров пен Мұқаш үйде қалған, кісі өлтіру туралы ешнәрсе білмеймін, оны Мұқаштан сұраңыздар. Жауап алу хаттамасын толтыру.		
12	<p>Жауап алу тергеу әрекеті; Беттестіру</p> <p>11-кезең. Бектаевты көрші-куә Рахимоваға тану үшін көрсету. Рахимова Бектаевті бірден танып, белгілерін сипаттап берді. Тану үшін көрсету хаттамасын құрастыру және оны талқылау.</p> <p>12-кезең. Атановтан шынайы көрсетпе алу мақсатымен жауап алу. Тергеуші Бектаевтың ұсталып, одан жауап алынғаны туралы Мұқашқа хабарлайды. Яғни, Бектаев Мұқаштың Орынбасаровты өлтіргенін айтып, өзінің қатысы жоқ деп мәлімдеді дейді. Біраз ойланып Атанов көрсетпе береді. Атановтың жауабы: Тараз қаласынан Алматыға келдім. Түрмеде бірге отырған Бектаев Идриспен кинотеарт алдында кездесіп қалдық. Бір кешкі отырысымызда Идрис Тастақ ауданында орналасқан дүкенді тонауды ұсынды. Мен ақшасыз жүргендіктен келісе кеттім, бірақ екеуіміздің қолымыздан келмес тағы бір адамды қосып алайық деп шештік. Орынбасаров есіме түсті, екеуіміз түрмеде бірге отырғанбыз. Әлібайға ұсыныс жасап көріп едім ол келіспеді. Келіспек түгел, егер қылмыс жасаудан бас тартпасаң полицияға барып айтамын деп ескертті. Мен өлтіремін деп қорқыттым, бірақ ойымда ондай ой да болған жоқ, мүмкін Әлібай ойланар деп айтқанмын. Тағы бір-екі рет айтып көрдіп едім, Әлібай қылмысқа қатыспаймын, полицияға айтамын деп қайталады. Өзім көндіре алмаған соң, Әлібаймен Идрис сөйлесіп көрсін деп үйге шақырдым. Ағамның туған күні, сені қонақ болып кетсін деп шақырып жатыр дедім. Ескендір ағамның үйде болмауын жұмыстан шақырып алды, кешірек келеді деп түсіндірдім. Екеулеп Орынбасаровты тонауға келістіре алмадық. Сұрадық та, өтіндік те, қорқыттық та. Әлібай</p>	10 апта	жазбаша 3 балл

	<p>мен Идрис бірнеше рет төбелесіп қала жаздады. Сол жерде отырып Идрис екеуіміз өлтіретін болып шешім қабылдадық. Орынбасаров дәретханаға шығып кеткен сәтте мен жүгіріп барып ас үйден ақ түсті жіпті алып келдім. Әлібай шыға бергенде мойнына жіпті іліп тұншықтырдым. Күшім жетпей жатқанын көрген Идрис маған өлтіруге көмектесті. Бектаевтың шыққанын аңдып Орынбасаровтың қалтасынан ақшасы бар кisetті алдым және ағамның жинап жүрген ақшасын да алып кеттім. Қылмысқа ағамды күдіктенетін шығар деп ойладым. Қашып баспалдақпен жүгіріп түсіп бара жатқанымызды көрші Рахимова көріп қойды. Вокзалға бару қауіпті шығар, бір-екі күн күте тұрайық деп ойладық. Идрис мені Каменкадағы апасының үйіне апарып тастады. 2 күннен кейін қалаға келе жатқан жолымда Досованы кездестіріп қалдым. Бектаев мені Чемолған станциясына апарып Таразға қарай жүретін поездға мінгізіп жіберді.</p> <p>13-кезең. Бектаевтан қосымша жауап алу. Атановтың көрсетпесін Бектаевпен таныстырамыз. Бектаев жасаған қылмыстарын мойындап шынайы көрсетпе береді. Бектаевтан жауап алу хаттамасын толтырамыз.</p> <p>Атанов пен Бектаев арасында беттестіру жүргізу.</p> <p>Тапсырма: жауап алу хаттамасы мен беттестіру хаттамасын толтыру.</p>		
<p>13</p>	<p>Айып тағу</p> <p>14-кезең. Атанов пен Бектаевқа айып тағу және айыпкер ретінде жауап алу.</p> <p>Тапсырма: Айып тағу туралы қаулы шығару және айыпкер ретінде жауап алу хаттамасын құрастыру.</p>	<p>-</p>	<p>-</p>
<p>14</p>	<p>Айыптау қорытындысы</p> <p>15-кезең. Атановтың көрсетпесін оқиға болған жерде тексеру мен нақтылау. Бектаевтың көрсетпесін оқиға болған жерде тексеру мен нақтылау.</p> <p>Тапсырма: Көрсетпелерді оқиға болған жерде тексеру мен нақтылау хаттамаларын толтыру.</p>	<p>14 апта</p>	<p>5 бал</p>

	<p>16-кезең. Атанов пен Бектаевқа қатысты айыптау қорытындысын шығару. Қылмыстық істің материалдарын жинақтап, қорытындылау.</p> <p>Тапсырма: Айыптағу қорытындысын талқылау</p>		
--	--	--	--